

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

IV. Probatur Prophetiae Nahumi γνησιότης & antiquitas.

**urn:nbn:de:hbz:466:1-16260**

accurata sacrorum codicum lectione, & ex frequenti doctorum Judæorum consuetudine Palæstina loca apprime cognoverat.

*Varia de ejus  
atate opinio-  
nes proponun-  
turi.*

II. Exploranda deinde Nahumi ætas, quam quidam ad Sardanapali tempora re-tulerunt; hoc Ninives excidium notatum ab eo esse volentes, quod Arbace auctore contigit, cum ab Assyriis ad Medos imperium translatum est; Joa Judæorum, Jehu Israëlitarum regnum tenente. Id si sit, sacrorum omnium Prophetarum, majorum, & minorum, quorum scripta constant, antiquissimum ille fuerit. Probabilius Josepho vixum est, ad Joatham tempora Nahumum pertinere, quas autem adversus Ninivitas edidit vaticinationes, post centum & quindecim annos esse completas, Josia nempe temporibus. Plures Ezechia regnante floruisse Nahumum censent; Hieronymus, Theodoreetus, & Theophylactus, etiam post abductos à Salmanafare in servitatem Israëlitas; & Deum tum eos, tum & reliquias Ebraeos, qui Ezechia parebant, & variis modis ab iisdem hostibus vexabantur, prædictionis hujus solatio recreare voluisse. Atqui idem Hieronymus, primo Nahumi capite prædictam fuisse sentit cladem Sennacheribo, Assyriisque illatam ab Angelo, dum Hierosolymam oppugnarent. Unde colligatur editum esse vaticinium inter duas Assyriorum expeditiones, Salmanafaris adveritus tribus decem, Sennacheribi adversus reliquias duas, quarum illa vix novem annis hanc antecessit. At auctor Seder Olam, & ex eo R. Isaac Abrabaniel, Ebraique fere omnes, cum Michæl, quem sub Joatham, Achazo, & Ezechia floruisse sciebant, succedere Nahumum in Canone viderent, eum, ejusque prædictiones attribuendas duxerunt ævo Manassis, qui Ezechia regi successit. Atque has prædictiones exitum habuisse statuum Joakimo inter Judæos regnante, cum à Nabuchodonosore Ninive diruta est. Jonathan vero, & Pseudonymi Epiphanius & Dorotheus, aliquæ, Ninivitis imminentes calamitates prædictissæ rentur, quod Jona comminationibus ad meliora jam ante conversi, in præfatis deinde noxas essent revoluti. Quot annis Jona fuerit recentior, accuratius definire insuperhabent, quod quidam nonaginta annorum spatio definitum. Sunt qui Josæ ævo futura prædictissæ vefint. Omnia vero longissime extra oleas abit Clemens Alexandrinus, Ezechiele ipso recentiorem Nahumum fingens.

*Clem. Alex.  
Strom. 1.  
deinde nostra.*

III. In tanta Interpretum discordia, ad similitudinem veri mihi valde videtur accedere Hieronymi sententia, qui in Ezechia ætatem Nahumi vaticinium confert, inter Israëliticam deportationem, & Hierosolymitanam Rabsacis obsidionem; nam & id postulare videtur ordo quem inter Prophetas minores obtinet, & eo inclinare video maximam eruditiorum Interpretum partem. Verum aliud præterea adjicit Hieronymus accurata observatione dignum: nam inflictam quidem Assyriorum exercitiū pro incibus Hierosolymitanis cladem, primo Nahumi capite prænuntiari sentit; sed reliqua duo libelli ejusdem capita ad toleratas olim ab Israëlitis ærumnas, irrogataque Judæis ab Assyriis contumelias, & excisam demum à Nabuchodonosore Niniven pertinere arbitratur. Quæ postrema capita duo præfissæ explanet, Lectionem monet se Ebraorum expositionibus adhaerere. Quamobrem si Ebraeos illos, quos fecutum se profitetur Hieronymus, conciliare velimus aliis ejusdem gentis Magistris, qui sub Manasse editum Nahumi vaticinium rentur, dicemus primum caput temporibus Ezechia prodisse, post deportationem decem tribus; eventum vero tum esse nactum, cum Sennacheribi copiæ ab Angelo deletæ sunt, & ipse Sennacheribus Niniven redux, à filiis interfactus est; reliqua vero capita duo multis post annis primum à Nahumo fuisse adjecta, & ita quidem adjecta, ut in unum contextum colligata simul videantur cohædere, nimis quod consimilis essent & ejusdem argumenti, & Assyriorum calamitates prænuntiarentur; exitum vero habuisse, partim cum Niniven vastavit Cyaxares Medorum rex, Josie temporibus, partim etiam ac præcipue, cum eam Nabuchodonosor aliquot post annis funditus delevit. Idem quippe Hieronymus, Proœmio in Jona, sic differit: *Quantum ad historias tam Ebraicas, quam Gracas pertinet, & maxime Herodotum, legimus Niniven, regnante apud Ebraeos Josia, & Assyriæ rege Medorum, fuisse fabversem.* At clidis hujus auctorem fuisse Cyaxarem tradit Herodotus. Illuc respete Joseph. Antiq. libr. 9. cap. 11. quindecim edita ab ipso adversus Niniven vaticinia, eventu comprobata fuisse refert, in Josæ quippe ætatem incurrit illud tempus, si à Joatham ætate initium feceris numerandi. Itaque Nahumi predicio adversus Ninivitas, que duobus postremis capitibus ineft, à Cyaxare & Nabuchodonosore diversis temporibus completa est. Nec refragari videntur conditores prisci Librorum sacrorum Canonis, à quibus Nahumus subiunctus est Michæl, qui Joatham, Achazi, & Ezechia aequalis fuit: in eo quippe desuit Michæas, in quo vaticinari exorsus Nahumus ad Manassiem pervenit.

IV. Bene vero est, quod Duodecim Prophetarum memoriam Sirachides retinuit, unde satis probatur antiquitas Nahumi, qui unus ex illis semper habitus est, ut ex

*Probatur  
prophetia*

Septuaginta Senibus , aliisve cuiusvis ætatis interpretibus cognoscere promtum est. Vix Nahumi ulla autem Scriptoris hujus posterior ætas servavit vestigia. Unum hoc apud Habacucum & Ezechieli nanciscor , quod extat tertio Nahumi capite: *Vx civitas sanguinum , universa mendacii dilaceratione plena : non recedet à te rapina .* Ad id quippe videtur excusum hoc Habacuci: *Vx qui edificat civitatem in sanguinibus , & prparat urbem in ini- quitate .* Multo magis etiam istud Ezechielis: *Vx civitati sanguinum , cuius ego grandem faciam pyram .* Incertum autem habeo, an à Nahumo Isaías , an ab Iaīa Nahumus hæc sumferit: *Ecco super montes pedes evangelizantis & annuntiantis pacem : celebra , iuda , fe- ficitates tuas , & redde vota tua : utrumque enim docui vaticinia hæc Ezechiae tem- poribus scripsiisse .*

V. Diximus Sennacheribi , Affyriorumque interitum prædictum fuisse primo capi- te Nahumi ; at postremis duobus illatas Ninivitis per Cyaxarem & Nabuchodonolo- forem clades: quam sententiam Hieronymi suffragio tutati fumus. Verum suppositiui Epiphanius & Dorotheus aliorum vaticinationes illas detorquent; præsignificasse quippe Nahumum volunt, futurum ut exundante aqua , & ignibus erumpentibus Ninive subvertatur, atque id evenisse; motu quippe terræ stagnum, quo cingitur civitas, ripas super- gressum loca vicina, urbemque adeo ipsam submersisse, cum interea flamma aliunde effervescentis eam depasceret. Nempe hæc ad verbum interpretati sunt: *Montes commo- ti sunt ab eo , & colles desolati sunt , & contremuit terra à facie ejus .* Deinde: *Indignatio ejus effusa est ut ignis , & porte dissoluta sunt ab eo .* Tum: *In diluvio preterente consum- mationem faciet loci ejus .* Et alibi etiam: *Porte fluviorum aperte sunt , & templum dirutum .* Nah. 2. 6, 8, Paulopof: *Ninive , quasi pescina aquarum aquæ ejus .* Præterea: *Succendam usque ad fumum quadriges tuas . Rursum : Devorabit ignis véltes tuos .* Verum quid istis fieri, quæ ibidem leguntur: *Miles captivus abductus est , & ancille ejus minabantur gementes ut columbae , murmu- rantes in cordibus suis : & istis : Vox impetus rote , & equi frementis , & quadrigæ frementis , & equitis ascendens , & micantis gladii , & fulgurantis hastæ , & multitudinis interfæctæ : & his quoque .* Ecce populus tuus mulieres in medio tui : inimici tuis ad apertione pandentur porte terre tuis , devorabit ignis véltes tuos . Aquam propter obstitutionem harri tibi , exstrue munitiones tuas , intra in lutum & calca , subiengens tena laterem . Ibi comedet te ignis , peribis gladio . Quæ manifesto declarant bello dominam & dirutam fuisse Niniven , & militum copiis, non aquis inundatam , & flagmis hostilibus , non naturæ vi ingruentibus absuntam ; quod neque consentit cum fide historiæ , neque cum Ninives ipsius situ , que stagno haudquam circumfula fuit. Attendent autem Epiphanius ille & Dorotheus , quam sepe exoticæ & sacri Scriptores , ac potissimum Prophetæ , ad bellicas clades exprimendas , hujusmodi translationibus ex incendiorum & exundationum impetu arcessi- tis utantur.

VI. Leve quoque est argumentum , quod ex Theodoreti verbis erui potest, qui- bus asseverat post imperfectum à liberis Sennacheribum , imperium ad Chaldæos pau- lo post transisse , & regum illorum genus extinctum fuisse . Hæc enim aperte pugnant cum historia à facris Auctoriis tradita , cuius fides non ad manifestas halucinations exigenda est, sed hæc contra ex illa convincendæ. Certum quippe est Sennacheribo successisse Alarhaddonum filium , ut docet postremus liber Regum ; huic Saofuchi- num , quem exceptit Cineladanus: quod cognoscitur ex Canone Mathematico Regum Babyloniorum , quem reperit Georgius Syncellus . Imperium autem Affyriorum à Chaldeis excisum non est ante Nabuchodonosorem , qui æqualis Joakimi fuit. Itaque à Sennacheribi obitu ad dirutam à Chaldeis Niniven , anni intercedunt circiter centum & viginti. Castigandus hic ergo Theodoreetus ; multo etiam magis Cyrus , Cyri. Pref. in qui à Nahumo prædicti censet eam Ninives expugnationem , quæ auctore Cyro facta Nah. est , Niniven haud dubie cum Babylone confundens , quam Cyrus ditioni sive subiectis.

